



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

XXX. König Siegmund citirt den Wichard von Rochow in den Königlichen Hof, damit der sich wegen seines Ungehorsams rücksichtlich der dem Burggrafen Friedrich nicht geleisteten Huldigung verantworte, ...

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

had, der vorgeanten lofung mit dem Sloffe Bostamp von vnfern wegen gestatten vnd in damit gehorsam sien sollest, so das an dich geuordert vnd begeret wirdet, als wir dir des wol getruen. Das ist vns von dir funderlichen wol zu dank. Geben czu Ofen nach Christis Geburt vierczehnhundert Jar vnd dornach in dem Czwelsten Jare, des nechsten Sampztags nach sant Laurencii tag, vnser Riche der vngrischen etc. in dem XXV., nach des Romischen in den dridden Jaren.

Ad mandatum domini Regis
Johannes Kirchen.

Nach dem Original im Geh. Staats-Archive. Fidein IV, No. 133.

XXX. König Sigmund citirt den Wichard von Rochow in den Königl. Hof, damit er sich wegen seines Ungehorsams rücksichtlich der dem Burggrafen Friedrich nicht geleisteten Huldigung verantworte, am 30. October 1412.

Wir Sigmund, von gotes gnaden Romischer kunig, czu allen cziten merer des Richs vnd czu Vngern, Dalmacien, Croacien etc. kunig vnd Matggraue czu Brandenburg, Embieten Wicharten von Rochow vnser gnade vnd tun dir kunt, mit difem brief, daz vns von wegen des hochgeborenen Fridrichs, Burggrauens czu Nuremberg, vnfers lieben Oheimen vnd fursten fürbracht ist mit clage, wie wol wir In vnfern Obristen houptman vnd vorweiser der Marke zu Brandenburg gemahnt vnd gesetzt haben, nach Inhalt vnserer brieue doruber gegeben, vnd wie wol du das von der Manne vnd Stede der vorgeanten Marke Mahtbotten, die vns als Irem Rechten Erbheren von Ir aller wegen, des wir noch brieue haben, nehste czu ofen swuren vnd huldunge taten vnd ouch an den vorgeanten vnfern brieuen wol vernomen halt, vnd wir dir ouch siderhere oft verschriben, gebotten vnd dich solicher true vnd Eyde, die du vns als dinem Rechten Erbheren psichtig bist ermant haben, dem vorgeanten Fridrich nach lute der vorgeanten vnser brieue gehorsam zu werden vnd czu sin. Ydoch so habe das alles nit geholffen, das vns sere fremde von dir nymmet vnd dorumb vordern wir als dein Rechter Erbherre dich fur vns vnd gebieten dir ouch ernstlich vnd veltlich mit difem brief, daz du dich vor vns in vnserm houe versprechen vnd verantworten sollest vf Sant Anthonientag (17. Jan.) der schierst kumpt, wo wir alldann vff denselben tag sin werden, worumb du den vorgeanten vnfern brieuen vnd gebotten nit gehorsam gewest syft oder sin sollest, wann tetest du des nit, so wolten wir furbaz dortzu tun, das sich geburet. Geben nach Cristis geburte viertzenhundert Jar vnd dornach in dem Czwelsten Jar, des nechsten Samstags vor Allerheiligen tag, vnser Riche des vngrischen etc. in dem Sexvndczwenzigsten vnd des Romischen in dem dritten Jaren.

Nach dem Original im Königl. Geh. Staats-Archive Nr. 3.